

پازار ایرتسی فی ۲۶ جمادی الاخری سنہ ۱۳۲۸ وفی ۲۱ حزیران سنہ ۱۳۲۶

جمعیت علمیہ اسلامیک ناشر افکاریدر


مدیر مسئول :
مکتب قضاة معلملرندن
کامیسی منیر

سر محرر :
فاتح مجیز درسماملرندن
توقاد مبعوثی
مصطفی صبری

صاحب امتیاز :
فاتح مجیز درسماملرندن
استانبول مبعوثی
مصطفی عاصم

مندرجات

ادبیات	تاریخ اسلام صحائفندن طاهر المولوی
نعت شریف طاهر المولوی	اسلامدہ علوم وفنون ع . عاطف
قصیدہ فریدہ ترجمہ سی کمال الدین خرپوتی	رؤس امتحانی
زندادہ بر ایکاتی غ . خیری	اخلاق م . صفوت
بیان الحق اداره سنہ احمد اسلام	اوروبادہ طلبہ منہ صراط مستقیم دن
قرہ موصل ضابطہ سنہ بر تشکر محمد نوری	جناب محمدہ نصیحتی




نسخہ سی ۱ غروشدر

آبونه اجرقتی (پوستہ اجرتیله برابردر)

مالاک اجنبیه ایچون :
۶۰ ، ۲۰ فراتیق
۳۰ ، ۱۰

استانبول وولایات ایچون :
بر سنہ لکی ۶۰ غروش
القی آیلنی ۳۰ »



درج اولنیمان اوراق اعاده ایدلمز



قارئلرمنه

اکثر مقالاتنه آیات کریمه واحادیث نبویه درج ایدلمش بولندینی نظراعتبارہ آلتھرق رعایتسزلکده بولنلماسی رجاوانور .



درسعادت

محمود بک مطبعہ سنده طبع اولنمشدر

بر حکم شرعی واردہ بزمی بیلیمپورز؟ الحاصل حکو۔
متمیز دین و ملتک مرضیسنہ قطعاً موافق اولیان احوال
وحرکاتی منعه و متجاسر لرینی تأدیبہ مقتدر دکلہ ،
آوروپایہ طابہ اعزامندن فراغت ایدہلمده اولادمزک
مملکت مزده اکتساب هنر و معرفت ایلملری هر نهیه
متوقف ایسه آتی استکماله جالیثہلم . ملت مقدراتی
تودیع ایلیه جکی الارک بویله فسا بر حالده یتشددیکی
اصلاً تجویز ایتمز . کنجارمزی دین خصوصنده بویله
ضعیف و مبالانسز کوردجکه انسانده طوغریسی مات
اسلامیه نك ترقی و تعالیسی امیدى قالمیور .

زمانمزده خصوصات دینیهده جهانت عاداتا ظرافت
عد اولنهرق دیانت جلیله اسلامیه نك حقاً ثقه و قوفله
اشتغال عبث کوریلیور . اوت دینده جهالت او درجه نی
بولمش که شمائر جلیله اسلامیه منافی بر حرکتی
کوریلن کیمسهیه بر متضای امر الاهی قول لین ایله
معروف امر اولنق ایستلده بونی حریت شخصیه لرینه
تجاوز عدیله اعتراضاته و معروفی امر ایدن ذات حقنده
بر طاقم تفوهاته قیام ایدرلر . مثلاً مرکز خلافت
اسلامیه اولان استانبولده حتی دوائر رسمیه دن بعضلرنده
رمضان شریفده علناً نقض صیام مع التأسف کورویور
رمضان شریفده اقلامه قهوه پیشین قهوه جینی بحق
منع ایدن پولیس مأمورینک حرکت واقعه سی حریت
منافع عد ایدیله رک بر چوق اعتراضات و مناقشات سببیت
ویریر . حریتی بودرجه مطلق صورتده تفسیر ایدہجک
قدر جهالت کوسترن اسلاملره آجیامق قابلی ؟

موسم مناسبتیه مکاتب اسلامیه جه بر چوق تنزهلر
یاپیلیور . ازجمله برهان ترقی منفعتنه یالودیه اجرا
ایدیلان سیاحتده وقوعه کتوریلان احوال غیر
مشروعہ جداً باعث تأسف و تأثر در . مکتب تنزهلرنده
قوریلان عشرت ترازه لرینک موصوم اولاد وطنک
اخلاقی اوزرنده حاصل ایدہجکی سوء تاثیراتی تعداد

صراط مستقیم رفیقہ نك ۹۴ نومرولی نسخه منده کوریلان
بر مقاله اهمیت مندرجاتنه مبنی ملخصاً بر وجه آتی درج
اولنور :

اوروپاده طلبه من

استانبولره ستر — عشرت علمیه

طابہ من ایچنده حسن اخلاق ایله تمیز ایتمش
و مملکتی حقنده حسن نیت پرورده ایلکده بولنمش
اولان ذوات محترمه نك وجودنی ایشتمک ارباب صداقتک
قلبه بر فیض انشراح بخش ایلکده در . فقط تخالف
طبیاع حسبیله ایچلرنده بعضلرینک کنیدی لرینی حسن
اداره ایدہمیه رک مع التأسف آداب شرعیه و اخلاق
ملیه مزه منافی حرکاته جرأت ایلدک لرینی ، ازجمله
بولندقلری محفلرده شابقه ایله رسم آلدیره رق بو طرفه
کوندرمکده اولدقلرینی ایشیدییورز . بوده مملکتک
ترقی و تعالیسی دوشوننارجه ، طابہ منک تحصیللرندن
استفاده امید ایدنلرجه الم عظیمی موجب اولیور . شو
حال اسف اشتغال واقع ایسه حکومتک بالاده بیان اولنان
قضیه مهمه نی اصلاً نظر اعتباره آلامقده ، طابہ نك
احوالنی مراقبهیه مأمور ذواتک دخی و طیفه لرینک لایقوله
ایفا ایتمکده اولدقلری اکلاشیلیور . اوروپاده علوم
وفنون متنوعه تحصیل ایتمش ، فقط کنیدیسنده اخلاق
و آداب ملیه دن اثر قالماش ، قومیتی ضایع ایتمش اولان
کنجارمزدن مات نه کبی بر خدمته انتظار ایتلیدر ؟
افرادندن بولندینی ماتک حقوق و حیثیتنه و حسیات
وعادات موضوعه سنه رعایتی اولان بر کنج او ملتک
علامت فاخره سی دیمک اولان او سر پوشی چیقارده رق
شابقه ایله کزمن .

بو بابده کی مسالک لاقیدی عجبا هانکی سیاست
وهانکی حکمت ایله قابل تألیفدر ؟ یوقسه تحصیل ایچون
اولسون ، مأموراً اولسون اوروپایه کیدن اهل اسلامک
سرپوش ملیلرینی بر اقره رق شابقه استعمال ایللرینی تجویز ایدر

ایتمه لزوم کوردم . هله بوکی حالات مؤسسه یه قارشو دوائر عایده سنجه کوسترین طور لایقیدی یه نه قدر حیرت ایداسه آزد .

آداب و اخلاق عمومی یی محافظه ایتک و بونی مخل هر کونه حرکتی منع ایتک وظائفی جمله ندن دکلیدر ؟ یوقه ضابطه من معصوم مکاتب چوققلری آره سندده مخدرات اسلامیه اورته سندده الحاصل علناً عشرت ایدن برکیمه یی او حالندن منع ایتکی - حریت شخصیه سه تجاوز عذیه - مناسب کورمبوردده منفعت عامی فدا می ایدیور ؟ عمومه مخصوص محالدرده علناً عشرت منع ایدلسه حکومتک بو حرکتی هانکی شریعت هانکی قانونه هانکی مدنیته مغایر دوشر ؟ عالم انسانیتیه بوندن بیوک خدمتی تصور ایدیور ؟

شریعت جلیله محمدیه نک مخدرات اسلامیه ایچون تعیین بیوردیغی تستر بوکون نه حاله کلشدر . قادیلر من ایچون بک بیوک فخر و شرف بخش ایدن اشبو تستر ماده سنک حسن محافظه سنه دقت و نظارت ایتک کیملرک و طینه سیدر ؟ اوروپا ترسیه سیله مفتخر منور الفکر بعض عائله ریسلرینک قادیلرینی تستر دعوت ایتیه جککاری درکار بولندیغندن بولاری حکم جلیل شرعی یه رعایتیه دعوت وجیبیه سی حکومت و علمایه ترتب ایتزمی ؟

قادیلر منک قیافتلری هله سیر محالدرده ارککار ایچریسندده دوشوب قالملری اوقدر چرکین منظرده تشکیل ایدیور که دینه محبتی رعایتی اولان بر قسم اهل اسلام ایام تعطیلیه ده تنزهه چیقوبده مغایر مرضی احوالی کوروب متأثر و دلخون اولمقدن ایسه اونده امرار وقت ایتکی ترجیح ایدیور .

صده کله م : اوروپایه طایفه اعزامی شو صرده منافع مملکت نقطه نظرندن واجب کوریلور سه طایفه منک اوروپاده آداب و اخلاق ملیه من دأره سندده حرکت ایتلرینی تأمین ایدجک جدی تدابیر اتخاذی

حکومت ایچون فرضدر . هر سنه اخلاق و مساکلاری لایقیه اکلاشیاماش یوز طایفه کوندربجک مزه حقارنده تحقیقات عمیقه اجرا ایدلش ؛ نتیجه ده - حال و حرکتی و آداب و عادات اسلامیه رعایتی تحقیق ایتش اون طایفه اعزام ایدم . اوروپادن کله جک یوزلرجه طایفه نک زرده استخدام و نه صورتله ترفیه ایدیه جکلریده ملاحظه اولتیدر . مملکتک نزک حال حاضر اجتماعی عجباً اوروپایه چوق طایفه اعزامه مساعدیدر ؟ اوروپادن کله جک هنر و معرفت صاحبی کنجلر منک کافه سی ایچون خدمت دولته کیرمکسزین تأمین معیشت اولنه بیلمسی قابل اوله جقمی ؟ دقلی انتخابلر نتیجه سندده اوروپایه کوندلش اولان طایفه من ایچنده ده مغایر مرضی احواله جرأت ایدجک اولانلر بولنور سه بولر | حمیت و دیانتندن امین بولندیغمنر | ناظرلری طرفندن واقع اوله جق اشعار اوزرینه مخصوصاتلرینک قطعیه درسمادته جانب اولتیدر .

بو یولده اتخاذ اولنه جق تدابیرک تأثیرات حسنیه می کوریلور اعتقادندیم هر حالده اوروپایه کوندربجک اوزره اوصافه مطلوبه یی حائز طایفه بوله بیلمک ایچون اول امرده مملکتک زده کی مکاتبی اصلاح ایتک ، علوم دینه درسلرینه اهمیت و یرمک ، هیئت تعلیمی یی عاملاً و اخلاقاً اوصاف لازمه یی حائز ذواتدن تشکیل ایتک ایجاب ایدیور .

مکتبلر من ایچون دیندن باحث ترجه یازلش جدی اثرلر آرامق اقتضا ایدر که طرابلس شام علماسندن حسین جسر افندی طرفندن تألیف ایدیلوب استاد محترم مناسرتلی اسماعیل حق افندی حضر تلرینک ترجمه و شرح ایلدکاری رساله حمیدیه نام کتاب مستطاب بومقصدی لایقیه تأمین ایدر . دیانت جلیله اسلامیه حقنده مباحث عقایه و مسائل نقلیه یی محتوی بولنان کتاب مذکور مکانب و مدارس اسلامیه ده دستور تعلم اتخاذینه بحق شایاندر . بونک غایت اعتنا ایله تدریسنه صرف مساعی اولنسی واجبدر .

بیان الحق

اوروپایه کیدن عثمانلردن بعضیلرینک شبقه کیدکاری
اوتهدنبری سویلمکده در. یالکیز بوکا دائر بر قاچ سوز
ویلیک ایسترز. فقط بونک بر جهت شرعیه و دینیسی
وارددر که آندن بحث ایتیه جکیز.

اولا مسلم و غیر مسلم کنجار مزه صورارز که بر عثمانلی
اوروپاده کرک تحصیل و کرک مصالح سائره ایچون بولندی
صیرده ملیتی، ترککینی، عثمانلیغنی محافظه ایچون
شبقه می کیملی یوقسه فسمی؟ بالطبع فس کیرسه قومیت
ولمیتده ثبات ایتیش و کندیسی عثمانلی اوله رق کوستر.
مش اولور. اوتهدنبری کوریلور که هر هانکی مات
فرادندن بری مال سائره مالکینه کیتدیکی وقت ملی
سرپوشلرینی تبدیل ایتامشلردر.

فر نکیز؛ ممالک اسلامییه ایلک دخولارنده شبقه لرینی،
تقاللرینی، البسه لرینی عادات ملیه لری اوزره ابقا ایدوب
صلا تعییر و تبدیل ایتامشلر. واسلاملردن او شکله
نسان کورمیلرک نظر استغرابنه و چو جقارک حقارتنه معروض
الادقلری حالدده اصلا فتور کتورمیه رک کیمنک صقانک
ورته سی و کیمنک کنسارلری تراش اولدینی و هر ملت
کندیسنه مخصوص شبقه لرینی لابس بولندیجی حالدده اسلاملر
آرسنده طائمشلر. جوق اوزاغه کیتیمه لم. ایوم بر
نکلیز فرانسه ممالکینه کیتدیکنده عادات و اخلاق ملیسی
انلره بکیزتمک ایسته مز. شبقه سنی صقالنی انکلیز عاداتنه
وافق صورتده ابقا ایلر.

ژاپونلر اوقوجه ژاپون اولادلری آوروپایه تحصیله
یتدکارنده عادات ملیه لرینی قطعا ترک ایتدیلر. عفت
ناموسلرینی محافظه ایلدیلر. آوروپانک صنایعه، معارفه
تعلق علومنی تحصیل ایدوب مملکتلرینه عودت ایتدیلر.
بلجیورز بزه نه اولمش که عادات ملیه مز بر ارقه رق
تورمازنی، قالقمایزنی، ما کولانیزی، ملبوساتمیزی ویرا
وروپالیره بکیزتمک بر تمایل کوستریورز.

کنجلمزک آوروپاده شبقه کیدکاری صحیح ایسه بو،
ایکی شیئه حمل اولنق لازمکیر. بریسی هر خصوصده
فر نکیشکی ارزو ایتک، ایکنجیسی آوروپاده فس کینلر
نادر اولدیعندن بر حقارته معروض اولماق ایچوندر.
برنجی شقه احتمال ویردیز. چونکه کندی ملیتی ترک
ایدن کسه دن دهآ آلق تصور اولنه مز. اولسه اولسه
حقارته معروض قالمق ایچون اولمی. لکن آوروپاکی
حریت و مدنیته پک ایلرویه کیتمش اولان بر مملکتده
ظن ایتیز که بر عثمانلی سرپوش ملیسی کیدیکندن طولانی
دوچار حقارت اولسون. حتی بعض تجارلر مز فس و
صاریقله لاجل التجاره آوروپایه کیدوب کلیورلرده دوچار
تعرض و حقارت اولبورلر.

فی الحقیقه پر کسه کورلمک بر البسه ایله بر مملکت
کیدرسه هر کسک نظر دقتی جلب ایدر. فقط تمادی
ایتدکجه، چوغالدکجه هر کس آیشیر کسب اعتیاد ایدر.
زمان استبدادده آوروپایه بر جوق ترک و عثمانلی اولادلری
کیتمش ایدی اگر سرپوش ملیمزی، عادات و اخلاقری
آوروپالیره طائیدر مامشلسه تأسفلر ایدرز. وهیچ
اولمازسه بوندن بویه مسلم و غیر مسلم آوروپایه کیده جکاری
سرپوش ملیارینی محافظه ایدرک آوروپالیره ترک و عثمانلی
قومنک علامت نارقه - - نی کوسترملرینی کنج اولادلر.
یمزدن بکلرز.

رابع خلفای راشدین امام علی والد زین العابدین افندمزک
فرزندار جدی

جناب محمد نصیحی

نور عین علی! کیزی و آشکار مرآت ذاتک خوف
الهی ایله انجلا پذیر، ظاهر و باطنک اوصاف منجیه
عبودیتله مستنیر اولسون که فضیات تقوی بودر. واصل
منزل نجات اولمق ایسترسه ک بوشاهراه سعاده سالک